

第二九七册

明倫彙編

官常典

將帥部

(卷)

五六—五七

古今圖書集成

中華書局影印

100

100

10

古今圖書集成

欽定古今圖書集成明倫彙編官常典

第五百十六卷目錄

將帥部名臣列傳七千四

金一

鵠謀瑟

李師夔

郭企忠

完顏希尹

烏延蒲盧渾

海里

王伯龍

大臭

斜卯阿里

蕭王家奴

高彪

鄭瓊

孔彥舟

官常典第五百十六卷

將帥部名臣列傳七十四

金一

鵠謀瑟

按金史本傳鵠謀瑟木吉水斜卯部人也性忠直寬厚重節義勇於戰父阿鵠土贈金吾衛上將軍穆宗時鵠謀瑟內附先遣子寧吉從間道送款遂使活里噶與鵠謀瑟合軍攻降諸部因領其衆與弟胡麻谷渾坦姪阿里等攻下諸城從撤改破瑯塔城穆宗屢

賞之破高麗戍兵與石適歡討平諸部蒲察部雅里字董與其兄弟胡八雙括等欲叛歸遼鵠謀瑟執之送於康宗賜賚甚厚破高麗曷懶甸及下陞魯城有功天輔六年卒年七十二天眷中贈銀青光祿大夫

迪姑迭

按金史本傳迪姑迭溫迪罕部人祖扎古邁父阿胡迭世爲胡論水部長迪姑迭年二十餘代領父謀克

攻寧江州敗遼援兵獲甲馬財物攻破奚營回至韓州遇敵二千人擊走之幹魯古與遼人戰於咸州兵已却迪姑迭以本部兵力戰諸軍復振遂大破之護步答岡之役乙里補字董陷敵中迪姑迭援出之攻黃龍府身被數創授猛安天輔七年從上至山西卒

李師夔

按金史本傳師夔字賢佐奉聖人少倜儻有大志以廕入仕爲本州勦監天輔六年太祖襲遼主於鴛鴦濛郡守委城遁去衆無所屬相與叩門請師夔主郡事師夔許之乃搜卒治兵迪古乃兵至奉聖州師夔與其故人沈璋密謀出降曰一城之命懸於此舉璋曰君言是矣如軍民不從奈何師夔即率親信十數輩詰旦出城見余睹與之約曰今已服從願無以兵入城及俘掠境內余睹許諾詔以師夔領節度以璋佐之賜師夔駿馬二俾招未附者許以便宜從事明年加左監門衛大將軍劇賊張勝以萬人逼城師夔度衆寡不敵乃僞與之和日致饋給勝信之師夔乘其不備使人刺勝殺之以其首徇曰汝輩皆良民脇從至此今元惡已誅可棄兵歸復其所賊衆大驚皆散去別賊焦望天尹智穆率兵數千來寇師夔

以兵臨之設伏歸路使人反間之智穆果疑望天先引去智穆勢孤亦還遇伏而敗遂執斬之是後賊衆不敢入境以勞遷靜江軍節度畱後累遷武平軍節度使改東京路轉運使徙陝西東路轉運使致仕封任國公卒年八十五

阿徒罕

按金史本傳阿徒罕溫迪罕部人年十七從撤改幹帶等討平諸部皆身先力戰高麗築九城於曷懶甸幹慕禦之阿徒罕爲前鋒高麗有屯於海島者阿徒罕率衆三十人夜渡焚其營柵戰艦大破之遂下廳吉城既而八城皆下功最遠兵自寧江州東門出阿徒罕逆擊盡殲之以功授謀克從攻黃龍府力戰身被數十創竟登其城後與烏論石準援照散城阿徒罕請乘不備急擊之遂夜過益褪水詰朝大敗之幹魯上其功賜幣與馬天輔四年五月疾病賜良馬一匹詔曰汝安則乘之年六十五卒上悼惜之遣使弔祭以馬爲贈阿徒罕爲人孝悌好施惠健捷善弋獵至角觝擊鞠咸精其能

郭企忠

按金史本傳企忠字元弼唐汾陽王子儀之後郭氏自子儀至承勳皆節鎮北方唐李承勳入於遼子孫繼爲天德軍節度使至昌金降爲副使企忠幼孤事母孝謹年十三居母喪哀毀如成人服除襲父官加左散騎常侍天輔中大軍至雲中遣耶律坦招撫諸部企忠來降軍帥命同勾當天德軍節度使事徙所部居於韓州及見太祖問知其家世禮遇優厚以白鷹賜之天會三年伐宋領西南諸部番漢軍兵爲猛

安從破鴈門屯兵加桂州管內觀察留後鎮代州明年賊楊麻胡等聚眾數千於五臺企忠與同知州事迪里討平之遷知汾州事是時汾州初下居民多爲軍士掠去城邑蕭然企忠詣帥府力請願聽其親舊贖還帥府從之未幾完實如故石州賊閻先生衆數萬至城下僚屬慮有內變請爲備企忠曰吾於汾人有德保無他乃率吏民城守會援至合擊破之六年改靜江軍節度留後遷天德軍節度使汴京步軍都指揮使累遷金吾衛上將軍秩滿權沁州刺史到官歲餘卒年六十八

婁室

按金史本傳婁室字幹里衍完顏部人年二十一代父白答爲七水諸部長太祖克寧江州使婁室招諭係遼籍女直遂降移斂益海路太彎照撒等敗遼兵於婆刺趕山復敗遼兵擒兩將軍既而益改捺木懶兩路皆降進兵咸州克之諸部相繼來降復遼北女直係籍之戶遼都統耶律訛里朵以二十餘萬衆來戍邊太祖趨遼魯古城次寧江州西召婁室見上於軍中上見婁室馬多疲乏以三百給之使隸左翼宗翰軍與銀木可縱兵衝其中堅凡九陷陣皆力戰而出復與銀木可成邊及九百奚營等部來降則與銀木可攻黃龍府上使完顏渾黜婆盧火石古乃以兵四千助之敗遼兵萬餘於白馬濼宗雄等下金山縣使婁室分兵二千招沿山逃散之人耶律捏里軍疾黎山幹魯古婁室等破之遂取顯州太祖取黃龍府婁室請曰黃龍一都會且僻遠苟有變則鄰郡相扇而起請以所部屯守太祖然之仍合諸路謀克

命婁室爲萬戶守黃龍府進都統從杲取中京與希尹等襲走迪六和尚雅里斯等敗奚王霞末降奚部西節度訛里刺遼主自駕薈濼西走婁室等追至白水濼獲其內庫寶物婁室遂與闡母攻破西京復與闡母至天德雲內寧邊東勝其官吏皆降復阿疎夏人救遼兵次天德婁室使突撚補撫以騎二百爲候兵夏人敗之幾盡阿土罕復以二百騎往遇伏兵獨阿土罕脫歸時久雨諸將欲且休息婁室曰彼再破吾騎兵我若不復往彼將以我怯即來攻我矣乃選千騎與習失拔離速往幹魯壯其言從之婁室運明出陵野嶺留拔離速以兵二百據險守之獲生口問之其帥李良輔也將至野登高望之夏人恃衆而不整方濟水爲陣乃使人報幹魯婁室分軍爲二迭出迭入進退轉戰三十里逼宜水幹魯軍亦至合擊敗之遼都統大石犯奉聖州壁龍門東二十五里婁室照里馬和尚等以兵取之生獲大石其衆遂降遼闡里刺守奉聖州棄城遁去後與宗望追遼帝婁室蒲察以二十騎候敵敗其軍三千人於三山有千人將趨奉聖州蒲察復敗之擒其主帥而還夏人屯兵於可敦館宗翰遣婁室戍朔州築城於霸德山西南二十里遂破朔州西山兵二萬擒其帥趙公直其後復襲遼帝於余都谷獲之賜鐵券惟死罪乃答之餘罪不問銀木可圍太原統制劉臻救太原率衆十萬出壽陽婁室擊破之繼敗宋兵數千於榆次宋張灝軍出汾州拔離速擊走之灝復營文水婁室與突葛速拔離速與戰灝大敗宗翰定太原婁室取汾石二州及其屬縣溫泉方山離石蒲察降壽陽取平定軍

及樂平復招降遼州及榆社遼山和順諸縣宗翰趨汴州使婁室等自平陽道先趨河南曰若至澤州與賽里婆盧火習失遇當與俱進習失之前軍三謀克敗宋兵三千於襄垣遇伏兵二千又敗之撒刺答破天井關復破步兵於孔子廟南遂降河陽婁室軍至既渡河遂薄西京城中兵來拒戰習失逆擊敗之西京降婁室取偃師末安軍鞏縣降撒刺答敗宋兵於汜水於是榮陽榮澤鄭州中牟相次皆降宗翰已與宗望會軍於汴使婁室率師趨陝攻河東郡縣之未下者阿离土罕敗敵於河上撒拔敵於陝城下鶴沙虎降號州守陣卒三百人遂克陝府習古遁桑室破陝之散卒於平陸西北活女別破敵於平陸婁室破蒲解之軍二萬盡覆之安邑解州皆降遂克河中府降絳慈隰石等州宗翰往洛陽使婁室取陝西敗宋將范致虛軍下同華二州克京兆府獲宋制置使傅亮遂克鳳翔阿鄴等破宋大兵於河中幹魯破宋劉光烈軍於馮翊詔特刺桑拔敵於渭水遂取下邽宗翰會宗輔伐康王命婁室蒲察專事陝西以婆盧火繩果監戰繩果等遇敵於蒲城及同州皆破之婁室蒲察克丹州破臨真進克延安府遂降綏德軍及靜邊懷遠等城寨十六復破青澗城宋安撫使折可求以麟府豐三州及堡寨九降於婁室晉寧所部九寨皆降而晉寧軍久不下婁室欲去之賽里不曰此與夏鄰且生他變城中無井日取水以爲飲乃決渠於東泄其水城中迷困李位石乙啓郭門降諸將率兵入城守將徐徽言據子城戰三日衆潰徽言出奔獲之使之拜不聽臨之以兵不爲動繫之

軍中使先降者論之使降微言大罵與統制孫昂皆不屈乃并殺之遂降定安堡渭平寨及鄆坊二州於是婁室婆盧火守延安折可求屯綏德蒲察還守蒲州延安鄆坊州皆殘破人民存者無幾婁室置官府輯安之別將幹論降建昌軍京兆府叛婁室復討平之遂與阿盧補謀里也至三原訛哥金阿骨欲擊淳化兵敗之婁室攻乾州已築甬道列礮具而州降遂進兵克邠州軍於京兆陝西城邑已降定者輒復叛於是睿宗以右副元帥德陝西征伐時婁室已有疾睿宗與張浚戰於富平宗弼左翼軍已却婁室以右翼力戰軍勢復振張浚軍遂敗睿宗曰力疾應戰以徇王事遂破巨敵雖古名將何以加也以所用犀王金銀器及甲冑并馬七匹與之天會八年薨十三年贈泰寧軍節度使兼侍中加太子太師皇統元年贈開府儀同三司追封莘王以正隆例改贈金源郡王配享太宗廟庭諡莊義子活女謀衍石古乃

完顏希尹

按金史本傳希尹本名谷神歡都之子也自太祖舉兵常在行陣或從太祖或從撒改或與諸將征伐比有功金人初無文字國勢日強與鄰國交好乃用契丹字太祖命希尹撰本國字備制度希尹乃依倣漢人楷字因契丹字制度合本國語製女直字天輔三年八月字書成太祖大悅命頒行之賜希尹馬一匹衣一襲其後熙宗亦製女直字與希尹所製字俱行用希尹所撰謂之女直大字熙宗所撰謂之小字遼人迪六和尚雅里斯藥中京走希尹與迪古乃婁室余睹襲之迪六等問希尹兵復走遂降其旁近人民

而還奚人落虎來降希尹使落虎招其父西節度使訛里刺訛里刺以本部降宗翰駐軍北安使希尹經略近地復護衛耶律習泥烈知遼主獵於鴛鴦濶宗翰遂請進兵宗翰將會都統杲於奚王嶺遼兵屯古北口使婆盧火將兵二百擊之渾黜亦將二百人為後援渾黜聞遼兵衆請益兵宗翰欲親往希尹婁室曰此小寇請以千兵為公破之渾黜至古北口遇遼遊兵逐之入谷中遼步騎萬餘追戰死者數人渾黜據關口希尹等至大破遼兵斬馘甚衆盡復甲冑輜重復敗其伏兵殺千餘人獲馬百餘匹遂與宗翰至奚王嶺期會於羊城濶宗翰襲遼帝於五院司希尹為前驅所將纔八騎與遼主戰一日三敗之明日希尹得降人麻哲言遼主在漠委輜重將奔西京殘及遼主於白水濶南遼主以輕騎遁去盡獲其內庫寶物送至西京西京降使蒲察守之希尹至乙室部不及遼主而還及宗翰入朝希尹權西西北兩路都統是時夏人已受盟遼主已獲耶律大石自立而夏國與婁室書責諸帥棄盟軍入其境多掠取者希尹上其書且奏曰聞夏使人約大石取山西諸郡以臣觀之夏盟不可信也上曰夏事酌宜行之軍入其境不知信與否也大石合謀不可不察其嚴備之及大舉伐宋希尹為元帥右監軍再伐宋執二主以歸師還賜希尹鐵券除當赦不原之罪餘釋不問宗翰伐康王希尹追之於揚州康王遁去後與宗翰俱朝京師請立熙宗為儲嗣太宗遂以熙宗為諸班勃極烈熙宗即位希尹為尚書左丞相兼侍中加開府儀同三司希尹為相有大政皆身先執咎天眷元年乞

致仕不許罷為興中尹二年復為左丞相兼侍中俄封陳王與宗幹共誅宗磐宗雋三年賜希尹詔曰師臣密奏姦狀已萌心在無君言宣不道遼燕而竊議謂神器以何歸稔於聽聞遂致章敗遂賜死并殺右丞蕭慶并希尹子同修國史把答符寶郎漫帶是時熙宗未有皇子故嫉希尹者以此言譖之皇統三年上知希尹實無他心而死非其罪贈希尹儀同三司邢國公改葬之蕭慶銀青光祿大夫天德三年追封豫王正隆二年例降金源郡王大定十五年諡貞憲孫守道守貞守能守道自有傳

阿勒根沒都魯

按金史本傳沒都魯上京納鄰河人也後徙咸平路梅黑河雄偉美鬚髯勇毅善射國初伐遼沒都魯在軍中領謀克猛安每遇敵往來馳突人莫敢當故所戰皆克皇統元年計功擢宣威將軍明年授同知通遠軍節度使改移刺都札詳穩授世襲本路軍打彈河謀克為滑州刺史改肇州防禦使蒲與路節度使遷驃騎上將軍是歲以年老致仕卒累官金吾衛上將軍年七十三

烏延蒲盧渾

按金史本傳蒲盧渾渾曷懶路烏古敵昏山人父李古刺龍虎衛上將軍蒲盧渾膂力絕人能挽強射二百七十步與兄鶻沙虎俱以勇健謀闔母軍居帳下攻黃龍府力戰有功闔母敗於兔耳山張覺復整兵來諸將皆不敢戰蒲盧渾登山望之乃給諸將曰敵軍少急擊可破也若入城不可復制遂合戰破之郭藥師蔡靖以燕京降蒲盧渾率九十騎先伺察城中居

民去就遂將漢兵千隸完顏蒙造攻真定進攻贊皇取之獲人畜甲仗萬餘汴城破日已暮宋人猶力戰槍刺中蒲盧渾手戰益力遂敗宋軍賜金五十兩磨

宗爲右輔元帥已定關陝議取劍外諸州遂拔和尚

原元帥府承制以蒲盧渾爲河北西路兵馬都總管

及宋主在揚州蒲盧渾與蒙迺將萬騎襲之宋主已

渡江破其餘兵後與斜卯阿里俱從宗弼自淮西渡

江取江寧宗弼入杭州宋主走明州再走溫州由海

道追三百餘里墮明州而歸語在阿里傳天眷二年

授鎮國上將軍除安國軍以疾去官皇統六年授世

襲謀克起爲延安尹賜尚衣一襲尋致仕海陵還中

都起爲歸德尹就其家授之賜銀牌襲衣玉吐鶻馳

驛之官蒲盧渾留數十日已達程復聽致仕召赴京

師至薊州見海陵於獵所明日從獵獲一狐海陵曰

卿年老尚能馳逐擊獸健捷如此賜以御服封幽國

公除太子少師進太子太保改真定尹入判大宗正

事頃之伐宋以本官行右領軍副都督事師次西采

石海陵欲渡江蒲盧渾曰宋軍船高大我船庫小恐

不可遽渡海陵怒曰汝昔從梁王追趙構於海島皆

大舟耶今乃沮吾兵事設不能遽渡江不過有少損

耳爾年已七十縱自愛豈有不死理耶明日當與奔

睹先濟既而復止之乃遣別將先渡江舟小不可戰

遂失利兩猛安及兵士二百餘人皆陷沒海陵遇害

軍還大定二年至中都上謁除東京留守世宗召問

年幾何對曰臣今年七十三矣上曰卿宿將久練兵

事年雖老精神不衰因命到官每旬月一視事賜衣

一襲進階開府儀同三司仍封幽國公是歲卒十八

年孫扎虎遷廣威將軍襲烏古敵昏山世襲猛安并親管謀克

黃國敵古本

按金史本傳敵古本世居星顯水從破寧江取咸州

平東京路及諸山寨柵皆有功從麻吉破遼將和尚

節使兵七千於上京復破那野軍二萬再從麻吉遇

敵於阿鄰甸麻吉被創不能戰敵古本率兵擊敗之

勦殺殆盡從攻回鶻城破其兵九萬敗木匠直撤兵

於山後俘獲甚衆敗昭古牙之兵三千獲其家屬而

還攻平州張覺吾春被圍於西山敵古本引兵救之

解其圍并獲糧五千斛招降戶口甚衆從平興中撫

安其民人天會間大軍伐宋敵古本從取濟開德大

名及取濟南高唐棣密等州皇統間以功襲謀克移

屯於壽光縣界爲千戶六年授世襲千戶棣州防禦

使卒

海里

按金史本傳海里妻室族子體貌豐偉善用稍妻室

爲黃龍府萬戶海里從徙於執訖訖母從妻室追及

遼主於朔州阿敦山遼主從數十騎逸去妻室遣海

里及木得往見遼主諭之使降遼主已窮蹙待於阿

敦山之東妻室因獲之賞海里金五十兩銀五百兩

幣帛二百匹餘三百兩睿宗經略陝西海里戰却吳

玠軍於涇邠之南尋遣修棧道宋人恐棧道成以兵

來拒破其兵賞銀百五十兩奴婢十人天眷元年擢

宿直將軍與定宗磐宗偶之亂再遷廣威將軍除都

水使者改西北路招討都監歷復州濠州刺史耶盧

槐羣牧使迭剌部族節度使同知大興尹兼中都路

王伯龍

兵馬都總管改武寧軍節度使廣寧尹卒年六十二

蕭恭

按金史本傳恭字敬之乃烈奚王之後也父翊天輔

間歸朝從攻興中遂以爲興中尹師還以恭爲質子

宗望伐宋翊當領建興成川懿五州兵爲萬戶軍帥

以恭材勇使代其父行時年二十三至中山宋兵出

戰恭先以所部擊敗之經山東及渡淮襲康王皆在

軍中師還帥府承制授德州防禦使奚人之屯潰棣

間者皆隸焉改棣州防禦使皇統間改同知橫海軍

節度使丁父憂起復爲太原少尹用廉還同知中京

留守事累遷兵部侍郎授世襲謀克坐問禁中起居

狀決杖奪一官貞元二年爲同知大興尹歲餘遷兵

部尚書爲宋國生日使以母憂去官起復爲侍衛親

軍馬步軍都指揮使四年遷光祿大夫復爲兵部尚

書是歲經畫夏國邊界還過臨潼失所佩金牌至太

原憂恙成疾時已具其事驛聞於朝海陵復命給之

仍遣論恭曰汝失信牌亦猶不謹朕方俟汝欲有委

使乃稱疾耶必以去日身佩信牌歸則無以爲辭欲

朕先知耳使至恭已疾篤稽顙受命俄頃而卒海陵

方遣使與其子護衛九哥馳視乃戒府官使善護之

至保州已聞訃矣海陵深悼惜之命九哥護喪以還

所過州府設奠喪至都命百官致祭親臨奠賻贈甚

厚并賜廐馬一謂九哥曰爾父銜命卒於道途甚可

悼惜朕乘此馬十年今賜汝父可常控至柩前既葬

汝則乘之

按金史本傳伯龍潘州雙城人也遼末聚黨爲盜天

王伯龍

按金史本傳伯龍潘州雙城人也遼末聚黨爲盜天

王伯龍

輔二年率衆二萬及其輜重來降授世襲猛安知銀州兼知雙州三年太祖攻臨潢伯龍與韓慶和以兵護糧餉輓夫千五百人皆授甲慶和已將兵行前伯龍從糧居後遇遼兵五千餘邀於路伯龍率輓夫擊敗之獲馬五十四匹四年從攻下中京并克境內諸山寨爲靜江軍節度留後五年眞授節度使從宗望討張覺於平州伯龍先登馳擊手殺數十百人遷右金吾衛將軍白河之戰伯龍當其左軍麾兵疾馳蹂之朱軍亂我師乘勝擊敗之宗望伏宋伯龍爲先鋒大保州遇敵五萬破之招降新樂軍民十餘萬大軍圍汴宋太尉何臬以軍數萬出酸棗門伯龍以本部遮擊多所斬獲及破汴伯龍以治攻具有功進破孔彥舟鄆瓊衆三萬於洛州是年同知保州兵馬安撫司事將兵數千攻北平拔之復取保州河間睿宗經略山東伯龍從攻青州未下城中夜出兵襲伯龍營伯龍不及甲獨被衣挺刃拒營門敵不得入因奮擊殺數十人已而軍士皆甲出殺傷宋兵不可勝計并獲其一將斬之及下青州第功伯龍第一六年還攻莫州降之加太子少保莫州安撫使破李固寨衆十餘萬於濮州濮城守城中鎗鐵揮我軍攻之不能剋伯龍被重甲首冠大釜挺槍先登殺守陣者二十餘人大軍相繼而上遂剋之進攻徐州伯龍復先登充徐宿邳三路軍馬都統敗高托山之衆十五餘萬於清河進擊韓世忠於邳州走之與大軍會於宿遷追世忠至揚州還攻泗州泗州守將以城降屯軍磁陽破陳宏賊衆四十餘萬破黃戩於單州進攻歸德軍帥遣伯龍立攻具伯龍從二十餘騎行視地形城中

忽出兵千餘欲生得伯龍伯龍縱騎馳之敵兵亂墮而死者幾二百人破王善之衆於巢縣取廬州和州伯龍之功多軍渡采石擊敗岳飛劉立路尚等兵獲芻糧數百萬計還過眞揚道遇鄆項韓世忠軍復戰敗之復爲莫州安撫改知澤州太行羣賊往往嚙聚伯龍皆平之天眷元年爲燕京馬軍都指揮使從元帥府復收河南權武定軍節度使兼本路都統宋兵據許州伯龍擊走之招復其人民是年秋泰安卒徒張貴驛看良民據險作亂伯龍討平之皇統元年以本部從宗弼南伐攻破濠州而還三年爲武定軍節度使改延安尹寧昌軍節度使天德三年改河中尹徙益都尹封廣平郡王卒年六十五正隆間例贈特進定國公

赤盡聊

按金史本傳暉字仲明其先附於遼居張皇堡故嘗以張爲氏後家萊州暉體貌雄偉慷慨有志略少遊鄉校遼季以破賊功授禮賓副使領萊陽遼潤四州屯兵天輔六年降仍命領其衆從闔母定典中府義錦等州及破張覺皆與有功以粟萬五千石助軍授洛州刺史宗望初伐宋孟陽之戰敵之中軍徑薄宗望營暉與諸將擊敗之追殺至城下訖師還數立戰功明年再舉伐宋攻下保州眞定暉皆與焉進圍汴宋人夜出兵二萬焚我攻具暉以二謀克兵擊走之凡城中出兵拒戰暉之所當無不勝捷既克宋還從攻河間敵將李成以雄莫之兵來援暉與所部迎擊馬傷而墮暉輒奮起步鬪克敗成兵是日凡七戰皆勝敵人多逼死濠陰間暉兩臂亦數中流矢賊將劉

先生以兵一萬夜襲營暉力戰達旦賊始敗走皆溺死於水暉復傳城力戰如是連月諸軍四面合攻遂克之加桂州管内觀察使因雷撫河間時居民皆爲軍士所掠老幼存者亡幾暉下令軍中聽順違之未幾皆按堵如故從睿宗經略山東既攻下青州復從闔母攻濰州暉督其裨校先登而城中積芻粟乘風縱火發機石暉率將士衝冒而下力戰敗之軍還復以三十騎破敵於范橋帥府承制加靜江軍節度使進攻城中砲出幾中暉拂其甲製裂之彈盒奮攻卒破其城又從攻泗州克之還屯汝陽破賊衆於梁山深獲舟千餘移軍攻濟州既敗敵兵因傳城諭以禍福乃舉城降暉約東軍士無秋毫犯自是曹單等州皆聞風而下從攻壽春歸德及渡淮爲先鋒遇重敵於秀州蘇州皆擊破之遂至餘杭通糧餉治橋道暉之力爲多乃還載資治通鑑版以歸大軍過江軍從其官民北渡時暑多疾疫老弱輒死道路其知府陳邦光者訴於宗弼怒將殺之暉曰此義士也力營救之竟得免富平之戰暉左右翼遇濶而敗睿宗念其前功杖而釋之師至熙河暉別降諸寨將鈐轄及吐蕃酋長等并民戶萬五千餘蘭州叛與訛魯補等攻下之獲河州安撫使白常熙河路副都總管劉維輔以獻還攻慶陽兩敗重敵殺其將戴巢師還還歸德軍節度使宋州舊無學暉爲營建學舍勸督生徒肄業者復其身人勸趨之屬縣民家奴王慶者嘗業進士暉以錢五十萬贖之使卒其業慶後至顯官密州吏龐乙卒於官其孤貧不克葬暉爲營治葬事且資給其家十三年復從大軍渡淮還鎮丁母憂尋以舊

職起復既廢齊爲安化軍節度使天眷三年復河南宋人乘間陷海州帥府以登萊沂密四州委彈經畫敵無敢窺其境者爲定海軍節度使尋改濟南尹累遷光祿大夫俄以罪罷久之起爲昌武軍節度使天德二年遷南京畱守尋改河南路統軍使授世襲猛安拜尚書右丞封河內郡王歲餘拜平章政事封戴王正隆初出爲興平軍節度使正隆中降王爵爲樞密副使封景國公未幾復爲左丞封濟國公尋除大興尹封榮國公薨年六十五大定間諡曰武康子師直登進士第

大吳

按金史本傳吳本名撻不野其先遼陽人世仕遼有顯者太祖伐遼遼人徵兵遼陽時吳年二十餘在選中遼兵敗吳脫身走寧江寧江破吳越城而逃爲軍士所獲太祖問其家世因收養之收國二年爲東京奚民謀克是時初破高末昌東京旁郡邑未盡服屬使吳伺察反側有聞必達太祖以爲忠實授猛安兼同知東京畱守事取中西兩京謀闖母軍遼軍二十萬來戰吳王使吳以本部守營吳堅請出戰不許或謂吳曰戰危事獨苦請何也吳曰丈夫不得一決勝負尙何爲苟臨戰不捷雖死猶生也吳王聞而壯之乃遣出戰既合戰闖母軍少却遼兵後驢之吳麾本部兵橫擊殺數百人由是顯名軍中天會三年宗望伐宋信德府居燕汴之中可駐軍以濟緩急欲遂攻之恐不能亟下議未決吳獨率本部兵選善射者射其城樓別以輕銳潛升於樓角之間遂克其城軍至潯州宋人已燒河橋宗望下令軍中有能先濟者功

爲上吳捕得十餘舟使勇悍者徑渡擊其守者而奪其成柵由是大軍俱濟明年再伐宋授萬戶賜金牌既破汴京吳爲河間路都統已克河間闖母怒其不早降因縱軍大掠吳諫止之已掠者官爲贖還除河間尹從攻薊慶府先一日吳命軍士預備餉楯及薪既傳城諸將方經營攻具未鳴鼓吳軍有素備遂先登軍帥以吳未鳴鼓輒戰不如軍令請罪吳朝廷釋弗問仍例賞之宗弼伐江南濟淮宋將時康民率兵十七萬來拒吳率本部從擊敗之復以騎二千與當海擊敗淮南賊十萬殺萬餘人王善來降將渡江吳軍先渡舟行去岸尙遠宋列兵江口吳視其水可涉則麾兵捨舟趨岸疾擊之宋兵走大軍相繼而濟俄遇杜充兵六萬於江寧之西吳與鶴盧補擊走之師還吳畱爲揚州都統統略淮海高郵之間再爲河間尹兼總河北東路兵馬十一年入見太宗賜坐慰勞甚久特遷太子太保賜衣一襲馬二匹及轡轡鎧甲改元帥右都監齊國廢吳守汴京熙宗念吳久勞降御書寵異之天眷三年罷漢渤海千戶謀克以吳舊臣獨命依舊世襲千戶是歲拜元帥右監軍宗弼再伐宋宋人稱臣乞和遂班師吳獨畱汴行元帥府事皇統三年加開府儀同三司八年進左監軍天德二年改右副元帥兼行臺左丞遷平章行臺省事進行臺右丞相右副元帥如故海陵疑左副元帥撤離喝以爲行臺左丞相使吳伺察之詔軍事不令撤離喝與聞撤離喝不知海陵意旨每與吳爭軍事不能得遂與吳有隙海陵竟殺撤離喝召吳入朝拜尚書右丞相封神麓郡王四年請老爲東京畱守貞元三年

拜太傅領三省事累封漢國王十二月有疾海陵幸其第問之是歲薨年六十八海陵親臨哭之詔有司廢務三日禁樂二日其三日當賜三國使館燕以不賜教坊樂命左宣徽使敬嗣暉宣諭之贈太師晉國王諡傑忠遣使護喪歸葬正隆奪王爵贈太傅梁國公子磐

烏延胡里改

按金史本傳胡里改曷懶路星顯水人也後授愛也窟謀克因家焉從闖母團平州有功及伐宋圍汴五謀克與宋兵萬人遇於城南胡里改先馳擊敗之元帥府遂賞良馬一匹五年攻宗城縣敵棄城走恩州胡里改追殺千餘人獲車四百輛帥府賞平三十頭馬一匹七年討泰山羣盜平之毀其營柵兗州羣寇三千餘保據山陰胡里改復破之賞牛二十二頭馬四匹八年攻廬州至柘皋鎮胡里改領甲士三十爲前鋒執宋所遣持書與劉四廂錡者七人復以先鋒軍攻和州比至含山縣五里獲甲士二人乃知宋三將將兵且至胡里改伏其軍遂獲姚觀察帥府賞馬二匹九年定陝右胡里改以所部遇敵千人敗之生擒甲士一人盡得敵之虛實又從蒲魯渾徇地熙秦敗敵兵二千於秦州賞馬一匹宋人屯襄陽府監軍按補遣胡里改領四猛安往攻之宋兵三千已渡江方營壁壘乘其未就突戰破之梁王宗弼復河南將攻陳州遣胡里改以甲士三十捕偵候人至蔡州西遇兵八十餘戰敗之獲南頓縣令及攻陳州夜將四更忽聞敵開門潰走胡里改亟領二謀克軍追及之而猛安突葛速亦領軍繼至大敗之皇統二年遷定

遠大將軍八年授臨洮少尹兼熙秦路兵馬副都總管九年改同知京兆尹兼本路兵馬都總管天德改同知平陽尹兼河東南路兵馬都總管貞元三年改同知曷懶路總管大定四年授胡里改節度使七年改歸順軍節度使十年移鎮顯德卒官年六十九九年詔授其子五十六武功將軍世襲本路婆朮火河謀克

斜卯阿里

按金史本傳阿里父渾坦穆宗時內附數有戰功阿里年十七從其伯父胡麻合討詐都獲其弟沙里只高麗築九城於曷懶甸渾坦攻之遇敵於木里門旬力戰久之阿里挺槍馳刺其將於陣中敵遂潰渾坦與石適歡合兵於徒門水阿里首敗敵兵取其二城高麗入寇以我兵屯守要害不得進乃還阿里追及於曷懶水高麗人爭走水上阿里乘之殺略幾盡遂合兵於石適歡道遇敵兵五萬擊走之又與石適歡遇敵七萬阿里先登奮擊大敗之石適歡曰汝一日之間三破重敵功豈可忘乃厚賜之幹塞烏賭本攻馳吉城阿里鑿壙爲門日已暮不可入以兵守之旦日遂取其城烏賭本以被甲并乘馬賜之從攻下寧江州授猛安又從攻信州賓州皆克之遼人來攻李董忽沙里城阿里率百餘騎救之遼兵數萬阿里兵少乃令軍士裂衣多爲旗幟出山谷間遼兵望見遁去蘇復州叛衆至十萬旁近女直皆保於太尉胡沙家築壘爲固敵圍之數重守者糧芻俱盡牛馬相食其駭尾人易子而食夜絕二人出告急於阿里阿里赴之內外合擊之破其衆於關窩密罕水上勦殺幾

盡水爲之不流蒲窩古胡什吉水馬韓島凡十餘載破數十萬衆契丹奚人聚舟千艘將入於海阿里以二十七舟邀之中流矢臥舟中夜始蘇敵船已入王家島即夜取海路追及之敵走險以拒阿里以騎兵邀擊再中流矢力戰不退竟破之盡獲其舟於是蘇復州婆速路皆平攻顯州下靈山縣取梁魚務敗余睹兵功皆最後與敵賭魯屯高州契丹昭古牙九斤合與中兵數萬攻胡里特寨阿里以八謀克兵救之胡里特先往敗於城下阿里指揮前緋衣者二十餘人曰此必賊酋也應兵奮擊皆殺之餘衆大潰來州顯州兵圍胡里特城聞阿里來救即解圍去闡母討張覺有兵出樓峯口山谷間阿里散驚魯忽盧補三猛安擊敗之宗望代闡母討張覺阿里再敗平州兵及伐宋阿里別擊宋兵敗之孟陽之役阿里扼橋渡力戰明年再伐宋至保州中山累破之進圍真定阿里與妻室豁魯乘風縱火焚其樓櫓諸軍畢登克其城師至河上粘割胡撒擊走宋人扼河津兵數千遂渡河諸將分出名境阿里破敵四百盡殲遂圍汴汴中夜出兵來焚攻具阿里與謀克常孫陽阿察之其衆大潰還攻趙州降之六年伐宋主取陽穀莘縣敗海州兵八萬人海州降破賊船萬餘於梁山泊招降滕陽東平泰山羣盜盜攻范縣擊走之獲船七百艘宗弼攻下睢陽與烏延蒲盧渾先以二千人往招壽春具舟淮水上時康民聚買船四百與壽春相近水列速以騎四百破康民斬敵數千與當海大吳破賊十萬於淮南比至江連破宋兵獲舟二百艘宗弼至江寧阿里蒲盧渾別降廣德軍先趣杭州去杭

十餘里遇宋伏兵二千取我前驅甲士三十人阿里使諸軍去馬搏戰伏兵敗皆逼死於水宗弼至餘杭而宋主走明州阿里與蒲盧渾以精騎四千襲之破東關兵濟曹娥江敗宋兵於高橋鎮至明州頗失利宋主已入於海乃退軍餘姚宗弼使當海濟師遂下明州執宋守臣趙伯諤進至昌國縣宋主自昌國走溫州由海路追三百餘里弗及遂襲明州與宗弼俱北歸睿宗經略陝西駐涇州阿里先取渭州睿宗趨黑河阿里斜喝韓常三猛安爲前軍十二年與高彪監護水運宋以舟師阻亳州河路擊敗之追殺六十餘里獲其將蕭通破漣水水寨賊盡得其大船遂取漣水軍招徠安輯之天眷間盜據石州阿里討之粘割胡撒與所部先登遂克其城石州平宗弼再伐宋阿里已老督造戰船宋稱臣詔賜阿里錢千萬自結髮從軍大小數十戰尤習舟楫江淮用兵無役不從時人以水星目之爲選里部節度使歷順義泰寧軍歸德濟南尹天德初致仕加特進封王正隆例封韓國公召赴闕命造戰船以疾薨年七十八諡智敏阿里性忠直多智略兄弟相友愛家故饒財以己猛安及財物盡與弟愛拔里愛拔里不肯受逃避歲餘阿里終與之

完顏習不主

按金史本傳習不主年十六從伐宋攻下懷仁縣功居最從睿宗經略陝西以兵七百人入丹州諸山遇盜三千擊敗之又破賊四千生擒其將帥出隴州以兵四百敗敵數千宋兵七千來取鞏州復擊走之又以五千兵敗吳玠之衆三萬白塔口遇敵五千復敗

之別降定遠等集皇統二年授同知臨洮尹以憂去官未期以舊職起復改孟州防禦使遷臨洮尹復以罪罷正隆三年起爲京兆尹改河南尹卒年五十八

蕭王家族

按金史本傳王家奴奚人也居庫党河爲人魁偉多力未冠仕遼爲太子率府率天輔七年都統景定奚地王家奴率其鄉人來降命爲千戶領之奚王回鹘保既死其親黨金臣阿古者猶保撒葛山王家奴與突撚往討之生擒金臣阿古者降其餘衆時平澤多盜王家奴以所部屢破賊兵斬敵執俘數被賞資宗望伐宋敗郭藥師於白河亦與有功至河上宋兵扼津要與諸將擊敗之進圍汴破其東門兵明年再伐宋宗望軍至中山諸門分兵出戰焚我攻具祈州河間各以兵來援皆敗之師還屯鎮河朔濱州賊葛進聚衆數萬臨淄字董照里以騎兵二千討之王家奴領謀克先登力戰大破其衆明年攻滄州宋兵拒戰復從照里擊走之宋將徐文以舟百艘泊海島即以商船十八進襲斬首七百級獲舟二十天會八年除靜江軍節度使授世襲千戶從梁王宗弼征伐爲萬戶還爲五院部節度使天德二年改爲古迪烈招討都監卒

趙賊

按金史本傳賊字德固遼陽人其婦翁以優伶得幸於遼主賊補閣門祇候累遷太子左衛率後居濛州宗望討張覺賊踰城出降授洛範副使爲濛州千戶遷洛苑使檢校工部尚書從伐宋至汴遷棣州刺史侍衛步軍都虞候及再伐宋攻真定與有功改商州

刺史檢校尚書右僕射五年同知信德府路統押軍兵兼沿邊安撫司事明年權知濟州事八年從定河南授隴州團練使十年改知石州賊久在兵間不善治民坐謫議謫監平州甜水鹽齊國廢河南皆以宿將守之授賊宿州防禦使統本路軍兵賊重義接儒士嘗以事至汴有故人子負官錢百萬賊以藥金贈之其子悉爲私費復代輸之頃之有訟徐帥不法事朝廷使賊鞠治賊委曲營護坐是廢罷寓居於燕海陵出領行臺省至燕賊往見之因訴其事及海陵即位起爲保大軍節度使貞元初改內省使未幾爲中都路都轉運使明年再徙順義興平入爲太子詹事鎮沁南以疾卒年六十六後十餘年賊子孫司徒張通古子孫皆不肖淫蕩破貨產賣田宅世宗聞之詔曰自今官民祖先亡沒子孫不得分割居第止以嫡幼主之母致鬻賣仍著於令

高彪

按金史本傳彪本名和失辰州渤海人祖安國遼興辰開三鎮節度使父六哥左承制官至刺史彪始生其父用術者言爲其時日不利於己欲不舉其母爲營護居數歲竟逐之彪匿於外家遼人謂兵東京時六哥已老當從軍悵然謂所親曰吾兒若在可勝兵矣所親具以實告因代其父行戰於出河店遼兵敗走彪獨力戰軍帥見之曰此勇士也令生致之韓魯攻東京六哥率其鄉人迎降以爲榆河州千戶久之告老彪代領其衆都統吳攻中京彪領謀克從韓魯破遼將合魯燥及韓慶民於高惠之境已而駐軍武安合魯燥以勁兵二萬來襲從韓魯出戰與所部

皆去馬先登奮擊敗之奚人負險拒命所在屯結彪屢戰有功宗望攻平州彪徇地西北道破敵招降石家山寨再從宗望伐宋爲猛安師次真定彪率兵士七十人臨城築甬道城中夜出兵焚攻具彪擊走之大軍圍汴以五十騎屯於東南水門宋人再以重兵出戰彪皆敗之師還屯鎮河朔復破敵於霸州擒其裨將祝昂河間夜出兵二萬襲我營豐彪率三謀克兵擊敗之天會五年授靜江軍節度使壽州刺史明年伐宋從帥府徇地山東攻城克敵數被重賞七年師至睢彪以所部招誘京西人民攻柘縣其官吏出降彪獨與五十餘騎入城繼而城中三千餘人復叛彪率其衆力戰敗之撫安其民而還從梁王宗弼襲康王至杭州師還宋將韓世忠以戰艦數百扼於江北宗弼引而西將至黃天蕩敵舟三十餘來逼南岸其一先至者載兵士二百餘彪度垂及以鉤拽之率勇士數十躍入敵舟所殺甚衆餘皆逼死於水中明年從攻陝西師至鞏州彪與宗人昂率兵三千取鄆州始至有來降者言城東北隅守兵將謀爲內應彪即夜從家奴二人以登左右守者覺之彪與從者皆殊死戰諸軍繼進遂克其城從攻和尚原及仙人關與阿里監護漕糧并戰艦至亳州宋人以舟五十艘阻河路擊敗之擒其將蕭通擊漣水賊水寨進取漣水軍其官民已遁去悉招降之彪勇健絕人能日行三百里身被重鎧歷險如飛及臨敵身先士卒未嘗反顧大小數十戰率以少擊衆無不勝捷齊國既廢攝勝陽軍以東諸路兵馬都統撫諭徐宿曹單滕陽及其屬邑皆按堵如故爲武軍軍節度使頗贖貨嘗

坐賊海陵以其勳舊杖而釋之改忻州防禦使歷安化安國武勝軍節度使遷行臺兵部尚書改京兆尹封鄆國公以憂去官起復爲武定軍節度使歸德尹正隆例授金紫光祿大夫久之致仕復起爲樞密副使舒國公賜名彪卒年六十七諡桓壯彪性機巧通音律人無貴賤皆溫顏接之

烏孫訛論

按金史本傳訛論善騎射襲父撒改謀克從蒙剏攻東京及廣寧擊北京山賊皆有功蕭霸哲來攻恩州訛論以六十騎偵之逮夜遇敵數百騎掩擊之生獲三人知霸哲衆九萬且至故蒙剏得以爲備遂破霸哲宗望伐宋已至汴訛論破尉氏中平援兵取其城久之以兵百五十人破敵一千於滄州西明年再伐宋蒙剏成開州訛論以騎四百守河復敗千餘人斬首七百餘宗弼渡淮阿里先具舟於江上聞王善兵扼其前宗弼使訛論濟師敗王善於和州北李成以兵七萬據烏江訛論帥二千人直前敗之宗弼遂渡江至江寧十五年沂州實防禦叛訛論敗之獲寶防禦錄前後功授猛安加昭武大將軍宗弼再取河南訛論以五十騎敗楊家賊五百於徐州東以功受賞不可勝計天德二年除唐州刺史移淄州遷石壘部族節度使行至北京病卒

鄭瓊

按金史本傳瓊字國寶相州臨漳人補州學生宋宣和間盜賊起瓊乃更學擊刺挽強試弓馬隸宗澤軍駐於磁州未幾告歸括集義軍七百人復從澤澤署瓊爲七百人長澤死調成滑州時宗望伐宋將渡河

戎軍亂殺其統制趙世彥而推瓊爲主瓊因誘衆號爲勤王行且收兵比渡淮有衆萬餘康王以爲楚州安撫使淮南東路兵馬鈐轄累遷武泰軍承宣使未幾率所領步騎十餘萬附於齊授靜難軍節度使知拱州齊國廢以爲博州防禦使用廉遷驃騎上將軍宗弼復河南以瓊爲山東路弩手千戶知亳州事丁母憂去官宗弼再伐江南以瓊素知南方山川險易召至軍與計事從容語同列曰瓊嘗從大軍南伐每見元帥國王親臨陣督戰矢石交集而王免胄指麾三軍意氣自若用兵制勝皆與孫吳合可謂命世雄材矣至於親冒鋒鏑進不避難將士視之孰敢愛死乎宜其所向無前日關國千里也江南諸帥才能不及中人每當出兵必身居數百里外謂之持重或督召軍旅易置將校僅以一介之士持虛文論之謂之調發制敵決勝委之偏裨是以智者解體愚者喪師幸一小捷則露布飛馳增加俘級以爲己功斂怨將士縱或親臨亦必先遁而又國政不綱纔有微功已加厚賞或有大罪乃置而不誅不即覆亡已爲天幸何能振起耶衆以爲確論元帥謂宗弼也及宗弼問瓊以江南成敗誰敢相拒者瓊曰江南軍勢怯弱皆敗亡之餘又無良帥何以禦我頗聞秦檜當國用事檜老儒所謂亡國之大夫兢兢自守惟顛覆是懼吾以大軍臨之彼之君臣方且心破膽裂將京鳴不暇蓋傷弓之鳥可以虛弦下也既而江南果稱臣宗弼喜瓊爲知言初瓊去毫未幾宋兵陷之而不守復棄去乃以州人宋超守之及大軍至超復以州事委其鈐轄衛經而遁去帥府使人招經經不下及城潰百

姓惶懼待命瓊請於元帥曰城所不下者凶豎劫之也民何罪願慰安之元帥以瓊先嘗守毫因止數經而釋其州人復命瓊守毫凡六年毫人德之遷武寧軍節度使八年爲泰寧軍節度使九年遷歸德尹貞元元年加金紫光祿大夫卒於官年五十

李成

按金史本傳成字伯友雄州歸信人勇力絕倫能挽弓三百斤宋宣和初試弓手挽強異等累官淮南招提使成乃聚衆爲盜鈔掠江南宋遣兵破之成遂歸齊累除開德府從大軍伐宋齊廢再除安武軍節度使成在降附諸將中最勇鸞號令甚嚴衆莫敢犯臨陣身先諸將士卒未食不先食有病者親視之不時雨具雖沾濕自如也有告成反者宗弼察其誣使成自治成杖而釋之其不校如此以此士衆爲用所至克捷宗弼再取河南宋李興據河南府成引軍入孟津興率衆薄城鼓譟請戰成不應日下興士卒倦且饑成開門急擊大破之興走漢南成遂取洛陽嵩汝等河南平宗弼奏成爲河南尹都管押本路兵馬嘗取官羨粟充公費坐奪兩官解職正隆間起爲眞定尹封郡王例封濟國公卒年六十九

孔彥舟

按金史本傳彥舟字巨濟相州林慮人亡賴不事生產避罪之汴占籍軍中坐事繫獄欲守者解其縛乘夜踰城遁去已而殺人死亡命爲盜宋靖康初應募累官京東西路兵馬鈐轄開大軍將至山東遂率所部劫殺居民燒廬舍掠財物渡河南去宋人復招之以爲沿江招提使彥舟暴橫不奉約束宋人將以兵執

之彥舟走之齊從劉麟伐宋爲行軍都統改行營左
總管齊國廢累知淄州從宗弼取河南克鄭州擒其
守劉政破孟邦傑於登封授鄭州防禦使討平太行
車轅嶺賊從征江南渡淮破孫暉兵萬餘人下安豐
霍丘及攻濠州以彥舟爲先鋒順流薄城擒其水軍
統制邵青遂克濠州師還累官工兵部尚書河南尹
封廣平郡王正隆例降金紫光祿大夫改南京留守
彥舟荒於色有禽獸行妾生女姿麗彥舟苦虐其母
使自陳非己女遂納爲妾其官屬負官錢私其妻與
折券惟破濠州時諸軍凡係獲皆殺之彥舟號令毋
輒殺免者數千人人人願以此稱之然自幼至老常在
行伍習兵事知利鈍海陵欲以爲征南將佐正隆五
年除南京留守彥舟有疾朝臣有傳彥舟死者而彥
舟尚無恙海陵盡杖妾傳彥舟死者以激勵之無何
竟死於汴年五十五遺表言伐宋當先取淮南云

欽定古今圖書集成明倫彙編官常典

第五百十七卷目錄

將帥部名臣列傳七十五

金二

夾谷謝奴

蒲察幹論

活女

蒲察胡盞

烏延吾里補

顏盡門都

獨吉義

烏延蒲轄奴

石抹干

移刺成

徐文

烏延查刺

蒲察世傑

蕭懷忠

完顏守能

孔敬宗

夾谷吾里補

謀衍

楊伯淵

溫迪罕蒲里特

徒單合喜

烏延蒲离黑

李師雄

耶律塗山

龐迪

字木魯定方

完顏福壽

完顏安國

僕散忠義

官常典第五百十七卷

將帥部名臣列傳七十五

金二

夾谷謝奴

按金史本傳謝奴隆州納魯河人也國初祖阿海率所部來歸獻器用甲仗父不利速襲本部勒軍從太祖伐遼授世襲猛安親管謀克爲曷懶路都統謝奴其長子也長身多髯善騎射通女直契丹大小字及漢字既冠隨其父見太祖命佩金牌總領左翼護衛西京未下謝奴獲城中生口乃知城中潛遣人求救於外都統府得爲之備却其救兵西京乃下自燕京還過判泥恩納阿遇敵於隘謝奴身先士卒射殺敵中先鋒二人敵潰走總管蒲魯虎以甲及馬贈之後領其父猛安從攻和尚原出仙人關宋兵據險猛安雖詭計突戰不克謝奴選麾下五十人戰克之與吳玠相拒烏里雅行陣不整吳玠乘之謝奴領兵逆戰遂大破敵計前後功襲其父猛安謀克宗弼復取河南陝西宋人欲潛兵襲取石閭諸營謝奴自渭南大禹嶺掩其伏兵射中其軍帥宋兵敗走多獲旗幟兵仗帥府厚賞之除華州防禦使入爲工部侍郎遷本部尚書改平涼尹昭義軍節度使大定初卒

孔敬宗

按金史本傳敬宗字仲先其先東垣人石晉末徙遼陽遼季敬宗爲寧昌劉宏幕官幹魯古兵至境上敬宗勸劉宏迎降遂以敬宗爲鄉導拔顯州以功補順安今天輔二年詔敬宗與劉宏率懿州民徙內地授世襲猛安知安州事將兵千人從宗望伐宋汴京平

宗望命敬宗守汴嘗自汴馳驛至河北還至河上會日暮無舟敬宗策馬亂流遂達南岸還靜江軍節度使歷石辰信磁四州刺史階光祿大夫海陵間張浩曰卿識孔敬宗否何階高職下也浩對曰國初敬宗勸劉宏以懿州効順其後從軍積勞有司不知故一槩常調耳明日除寧昌軍節度使徙歸德軍致仕大定二年卒

蒲察幹論

按金史本傳幹論上京益速河人徙臨潢祖忽士華父馬孫俱贈金紫光祿大夫幹論剛毅有技能天輔初以功臣子充護衛遷左衛將軍定武軍節度使召爲右副都點檢天德初授世襲臨潢府路曷呂斜魯猛安改東平尹賜錢千萬累除河南尹海陵伐宋以本官爲右領軍都監大定二年仍爲河南尹兼河南路都統軍使宋以萬人據壽安縣嵩州刺史石抹突刺押軍萬戶徒單賽補以騎兵三百巡邏遇於縣東請師於幹論幹論使猛安完顏鶴沙虎率七百人助之宋兵多突刺使士卒下馬跪而射之宋兵不能當走入縣城突刺進逼之宋人棄城去追及於鐵索口復大敗之遂復壽安改北京留守大定尹卒官

夾谷吾里補

按金史本傳吾里補暗土渾河人徙天德父兀屯討烏春窩謀罕有功吾里補隸其室帳下攻係遼女直招降太彎照三等從妻室救幹魯古於威州敗遼兵於押魯虎城遼軍營遼水吾里補五謀克軍乘夜擊之遼兵驚潰殺獲獲盡幹魯伐高未昌吾里補以數騎奮擊於遼水之上復以四十騎伏於津要遇其候

騎擊之獲生口因盡知未昌虛實太祖嘉之賞奴婢八人未昌駐軍於免兒陀先據津要軍不得渡吾里補以撒八射殺其先鋒二人未昌衆稍却大軍遂渡遼水及攻廣寧軍帥選勇士先登吾里補與赤蓋忽沒渾各領所部突入其陣大軍繼之遂拔廣寧太祖攻臨潢吾里補面被重創奮擊自若賞以遼宮女二人遼王杲已取中京吾里補以四十騎覘敵獲遼喉舌人因知遼主所在後從都統幹魯定雲中從宗翰屯應州遼軍在近境吾里補以所部擊敗之宗望伐宋宋安撫使蔡靖詣吾里補降婁室攻陝西諸郡往往復叛吾里補攻敗之敗張浚軍於富平吾里補先登磨宗賞以金器名馬遂以先鋒攻蘭州下其城加昭武大將軍授世襲猛安累官特本部族節度使以老致仕封芮國公吾里補多智略膂力過人雖甚老勇健不少衰大定初據賊嘯聚出特鄙關吾里補率鄉里年少逆擊之賊黨遂潰事聞賞賚甚厚大定二十六年卒一百有五歲

活女

按金史婁室傳活女婁室長子也年十七從攻寧江州力戰創甚扶出陣間太祖憑高望見問之知是婁室子親撫慰賜藥歎曰此兒他日必爲名將其攻濟州敗敵八千與敵遇於信州移刺本陷於陣活女力戰出之敵遂北敗耶律佛頂等兵於瀋州及宗翰以兵襲奚王霞末活女以兵三百敗敵二千從攻乙室部敗之破其二營迭刺部族叛率二謀克突入大破之活女常從婁室圍太原宋將种師中以兵十萬來援活女擊敗之大軍至河無船不得渡婁室遣活女

循水上下活女率軍三百自孟津而下度其可渡遂引軍以濟大軍於是皆繼之宋將郭京出兵數萬趨婁室營活女從旁奮擊敵亂遂破之師還破敵於平陸渡得其船以濟又以兵破敵於張店原時屯雷太平翼城皆有重敵並破之又分兵取陝西蒲州降雷活女鎮之攻鳳翔活女先登磨宗定陝西活女爲都統進攻涇州敗其兵王開山以兵拒歸路邀戰再擊再敗之遂降京兆鳳翔諸縣婁室薨襲合扎猛安代爲黃龍府路萬戶天眷三年爲元帥右都監遷左監軍元帥府罷改安化軍節度使歷京兆尹封廣平郡王以正隆例改封代國公進封隋國公諡貞濟卒年六十一

謀衍

按金史婁室傳謀衍婁室次子也勇力過人善用長矛突戰天眷間充牌印祇候授顯武將軍擢符寶郎皇統四年其兄活女襲濟州路萬戶以親管奧吉猛安讓謀衍朝廷從之權濟州路萬戶八年爲元帥右都監天德三年爲順天軍節度使歷河間臨潢尹數月改婆速路兵馬都總管撤八反謀衍往討之是時世宗爲東京留守自將討括里還遇謀衍於常安縣盡以甲士付之世宗還東京完顏福壽高忠建率所部南征軍亡歸東京謀衍亦率其衆來附即以臣禮上謁遂殺高存福李彥隆等謀衍福壽忠建及諸將吏民勸進世宗即位拜右副元帥都統白彥敬副統統石烈志寧在北京拒不受命謀衍伐之遇其衆於建州之境皆不肯戰彥敬志寧遂降二年正月謀衍率諸軍討窩斡會兵於濟州合甲士萬三千人過泰

州至木虎崖乃捨輜重持數日糧輕騎追之是時窩斡新敗於泰州將走濟州謀衍兵至長深南獲其謀者知敵將由別路邀糧運遂分軍往迎之敵吏民者來降謀衍用其計因夜亟往邀敵輜重忽大風不能燧火路暗莫相辨比曉纔行三十餘里將至敵營將士少恐謀衍率善射者數十騎往覘之而都統志寧克寧等已敗敵衆二萬餘於長深追殺甚衆敵遂西遁志寧軍先追及於霧露河急擊敗之而謀衍貪鹵掠不復追以故敵得縱去遂涉懿州界陷靈山同昌惠和等縣窺取北京西攻三韓縣惟克寧軍追躡謀衍託馬弱引還懿州上聞之下詔切責謀衍以僕散忠義爲右副元帥代之統石烈志寧爲右監軍代完顏福壽而謀衍子斜哥暴橫軍中詔勒歸本貫謀衍至京師以爲同判大宗正事世宗責之曰朕以汝爲將汝不追賊當正汝罪以汝父婁室有大功特免汝死汝雖非宗室而授此職汝其勉之未幾遷穎路軍士木里古告斜哥寄書與謀衍謀反有司并上其書世宗察其誣詔鞠告者木里古款伏遂誅之召謀衍謂之曰人有告卿子爲反謀者朕知卿必不爲此今告者果自服罪宜悉此意初窩斡方熾上使溫迪罕阿魯帶守古北口及窩斡敗於陷泉入於奚中率諸奚攻古北口阿魯帶因其妻生日輒離軍六十里賊衆聞之來襲殺傷士卒甚衆阿魯帶坐除名詔謀衍蒲察烏里雅蒲察通以兵三千會舊屯兵擊之擒賊黨猛安合住未幾窩斡平乃還七年出爲北京留守上御便殿賜食及御服衣帶佩刀謂之曰以卿故老欲以均勞逸故授此職卿其勉之改東京留守封榮

國公大定十一年薨年六十四謀衍性忠厚善擊毬射獵時論以為雖智略不及其父而勇敢有之云

蒲察胡蓋

按金史本傳胡蓋案出清水人年十八從軍其父特斲死襲為謀克天輔間夏以兵三萬出天德路胡蓋從妻室迎戰以兵三百敗敵二千天會三年大軍攻太原城中出兵萬餘來戰胡蓋以所領千戶軍擊之復敗敵兵三萬餘於榆次境六年從妻室攻涼州以所部兵屢與宋人接戰皆先登有功七年取邠州遇宋人二十餘萬我軍右翼少却時胡蓋為左翼千戶摧鋒陷陣敵遂敗去敗張浚富平復有功十三年擊關師古於臨洮衆三萬餘從攻涇州從破德順秦鞏臨洮河蘭等州破吳玠兵胡蓋皆有力焉授德順州刺史改隴州防禦使鳳翔尹卒年五十五

楊伯淵

按金史楊伯淵傳伯淵字宗之伯雄之族兄也父丘文遠中書舍人伯淵早孤事母以孝聞疎財好施喜收古書天會初以名家子補尚書省令史十四年賜進士第歷吏禮二部主事御前承應文字秩滿除同知未定軍節度使事召為司計郎中知平定軍用廉遷平州路轉運使知泰安軍有惠政百姓刻石紀其事四遷山東東路轉運使正隆末羣盜蠡起州郡往往罹害獨濟南賴伯淵保全大定三年致仕卒於家

烏延吾里補

按金史本傳吾里補曷懶路禪嶺人也徙大名路天會中從其父達吉補諫元帥右監軍麾下撓懶以事赴闕以達吉補自隨吾里補領其父謀克從大軍攻

滄州方夷濠隄城中兵來拒吾里補以本部擊却之王師下青州力戰有功獲馬百匹以獻降復賊黨甚衆青州戍將觀吉補以萊州兵衆請濟於帥府吾里補將十二謀克兵往救之遂降其四營拔其一營得戶四千又敗賊兵五萬於恩州攻破其營降戶五萬獲牛畜萬餘將至臨清縣遇敵兵三千又敗之俘獲甚衆生擒賊首以獻帥府嘉其功以奴婢百牛三十賞之時觀吉補敗於恩州之境吾里補復以兵四千往救之破敵萬餘宋兵十萬在單父間總管宗室移刺屋選步卒一萬騎兵四千往討之吾里補領其親管謀克以從遇敵先登力戰有功大軍經略密州吾里補將兵二千為前鋒遇敵萬人於高密遂敗其衆追至城下殺敵殆盡獲馬牛三千餘吾里補與字太欲敗賊王義軍十餘萬於州南是夜賊兵數千來襲營吾里補以兵橫擊走之從從大軍攻楚揚通泰等州天眷二年襲其父世襲猛安授寧遠大將軍皇統七年益以親管謀克天德三年除同知歸德尹正隆初為唐古部族節度使大定二年為保大軍節度使是歲改鎮通遠是時宋軍十萬餘入阿蘭據險要攻郡邑元帥左都監合喜奏益兵詔益兵七千遣吾里補與彰化軍節度使宗室璋等七人偕往以備任使進階龍虎衛上將軍卒於軍中

溫迪罕蒲里特

按金史本傳蒲里特隆州移離閏阿胡勒出塞人也魁梧美髯有謀略以智勇聞都統臬取中京蒲里特權猛安領軍五千遇契丹賊萬餘與戰敗之出哀古里道敗敵八千餘至臘門華道復以伏兵敗敵萬人

太祖定燕自儒州至居庸關執其喉舌人有頃賊三千餘人復寇臘門華道蒲里特整隊先登賊識其旗幟望風而遁遂奮擊之親執賊帥皇統元年從梁王宗弼伐宋留軍唐州敵衆奄至蒲里特擊之大名軍萬四千號二十萬蒲里特率親管猛安身先士卒衝擊敵少却乃張左右翼併擊之敵衆散走而別遇兵二萬來援復以兵三千擊走之時邳州州賊嘯聚殘二十萬蒲里特軍三千分為數隊急攻之賊潰去南京路遇敵軍二萬蒲里特以軍三千擊敗之是日有兵自城中出者復擊敗之皇統二年遷定遠大將軍同知鳳翔尹六年改京兆尹轉寧州刺史改西北路招討都監遷未定軍節度使海陵南征改武衛軍都總管大定三年授開遠軍節度使改泰寧軍卒十九年以功授其子兀帶武功將軍本猛安奚出痕世襲謀克

顏蓋門都

按金史本傳門都隆州帕里干山人也身長美鬚髯天會間從其兄羊艾在軍中方取汴京其兄戰沒遂擢甲代其兄充軍磨宗定陝右以門都為蒲瑱諫監軍果親管萬戶攻饒風關至坊州果欲與總管蒲魯虎會於鳳翔進門都領六十騎先往期會及還備得地形險阨賞銀五十兩其後梁王宗弼駐軍山東遣人詣陝西特召門都至令齋廢齊及安撫百姓詔書往諭監軍宗室果門都既還宗弼賞以良馬銀絹事畢復遣從果天眷初叛將定國軍節度使李世輔偽邀果至私署以獻甲為名遂以兵劫執而去門都突出以告押軍猛安完顏撓懶同率兵追及首出與戰

杲由此得脫以功遷明威將軍復從杲招復陝西進至鳳翔齊國初廢諸路多反覆不一杲授門都牌劄令往撫定門都所至多張甲兵從者安之違者討之帖然無復叛者杲甚嘉之皇統初遷廣威將軍四年授同知通遠軍節度使事改知保安軍事天德三年為丹州刺史兼知軍事正隆初為寧州刺史大定初宋將吳璘等以軍數十萬人據秦隴元帥府承制以門都為勇烈軍都總管領軍討之宋人保據德順都監合喜遣武威軍副都總管夾谷查刺會宗室璋議征討之策璋與門都曰須都監親至敵必退矣合喜領軍四萬來赴遂復德順州明年秦隴平以功遷金吾衛上將軍授通遠軍節度使五年改慶陽尹兼本路兵馬都總管卒於官十九年錄功以子六哥世襲本路曷懶兀主猛安敵骨論窟申謀克授武功將軍門都性忠厚謹愍安置營壁尤能慎密有敵忽來雖矢石至前泰然自若迺號令士卒如平時由是人益安附而功易成焉

徒單合喜

按金史本傳合喜上京速蘇海木人也父蒲涅世襲猛安合喜魁偉膂力過人一經聞見終身不忘天輔間從金源郡王婁室為札也甚愛之天會六年以功為謀克尋領婁室親管猛安元帥府聞其才命權左翼軍事皇統二年為隴州防禦使以兵十五人敗宋兵二百於高陵以兵五百人敗宋兵二千於秦州以兵八百人敗宋兵二千五百於鳳翔以二謀克拒饒風關宋兵二千來奪其關口奮擊敗之諸軍乃得過險遷平涼尹再徙臨洮延安尹是時關陝以西初去

兵革百姓多失業合喜守之以靜民多還歸者天德二年為元帥左都監陝西統軍使真元二年以本官兼河中尹正隆六年為西蜀道兵馬都統世宗卽位以手詔賜合喜曰岐國失道殺其母后橫虐兄弟流毒兆庶朕惟太祖創業之艱難勉膺大位卿之子弟皆自軍中來歸卿國家舊臣豈不知天道人事卿軍不多未宜深入當領軍屯境上陝右重地非卿無能措置者俟兵革既定即當召卿宜自勉之大定二年復為陝西路統軍使未幾改元帥右都監表陳伐宋方略詔許以便宜從事轉左都監破宋兵於華州是時宋吳璘侵古鎮分據散關和尚原神又口玉女潭大蟲嶺石壁寨寶雞縣兵十餘萬陷河州鎮戎軍合喜乞濟師詔以河南兵萬人益之合喜遣丹州刺史赤蓋胡速魯改以兵四千守德順吳璘以二十萬人圍之統軍都監石抹迭勒將兵萬人破宋兵於河州還過德順駐兵平涼求益兵於合喜以解德順之圍合喜遣萬戶完顏習尼列大良順寧州刺史顏盡門都各將本部兵合二萬人以順義軍節度使烏延蒲離黑統押之與迭勒會吳璘聞之使偏將將兵五千人來迎前鋒特里失烏也奚王和尚擊敗之追至德順城南小溪邊璘自將大軍截岡阜而出烏也等馳擊之迭勒蒲離黑繼至併力戰日已暮兩軍不相辨乃解已而璘報云宋主遣使至兩國講和請各罷兵璘遂遁去蒲離黑亦引軍還自宋兵圍城至是凡四十餘日乃解初德順在圍中押軍猛安溫敦蒲里海身先士卒力戰未嘗少挫及救兵至圍解蒲里海之功為多頃之吳璘復來犯陝西州郡兵十餘萬詔以

兵七千益合喜兵號二萬人慶陽尹烏延蒲轄奴延安尹高景山分領之彰化軍節度使璋通遠軍節度使烏延吾里補寧州刺史移刺高山奴京兆少尹宗室泥河恩州刺史完顏謀良虎皆備軍前任使宋人驅率商號及華山南山之民五萬人來圍華州押軍萬戶裴滿接刺欲堅壁守之猛安移刺沙里刺曰宋兵雖多半是居民不習戰不如擊之於是接刺以騎兵千人敗宋前鋒追至其大軍亦敗斬首五十餘級已而璋敗宋姚良輔軍於原州宋戌軍自寶雞以西至於大蟲嶺皆自散關遁去頃之吳璘聞赤蓋速魯改烏延蒲里黑軍已去德順率兵號二十萬復據德順陷華州臨洮府臨洮少尹紇石烈驛洽死之詔贈官一階賜錢五百貫合喜以璋權都統習尼列權副統將兵二萬攻之連戰宋兵雖敗璘恃其衆不肯去分其兵之半守秦州合喜乃自行駐水洛城東自六盤山西抵石山頭分兵守之當德順秦州之兩間斷其餉道璘乃引去都統璋副統習尼列邀擊宋經略使荆阜自上八節至甘谷城殺數千人習尼列擒宋將朱未以下將校十二人宋張安撫守德順亦棄城遷速魯改邀擊之所殺過半擒將校十餘人遂復德順州宋之守秦州者亦自退高景山定商統宗室泥河取環州於是臨洮鞏秦河隴蘭會原洮積石鎮戎德順商號環華等州府一十六盡復之陝西平詔書獎諭賜以玉帶詔陝西將士猛安階昭毅以下遷兩資昭武以上遷一資謀克階六品以下遷兩資五品以上遷一資押軍猛安階昭武以上者遷一資昭毅以下武義以上遷兩資昭昭信以下女直人遷宜武餘

人遷奉信無官者女直人授敦信餘人授忠武押軍謀克武功以下忠顯以上遷兩資忠勇以下女直人遷昭信餘人遷忠顯無官者女直人授忠顯餘人授忠翊正軍有官者遷一資無官者授兩資猛安賞銀五十兩重綵五端絹十匹權正同之正軍人給錢三十貫阿里喜十貫戰沒軍官軍士長行贈官賜錢有差五年置陝西路統軍使兼京兆尹元帥府移治河中府統軍使璋朝辭上曰合喜年老以陝西軍事委卿凡鎮防利害可訪問合喜也七年入為樞密副使改東京留守賜以衣帶佩刀詔曰卿年老以此職優佚宜勉之九年入為平章政事奏睿宗收復陝西功數事上嘉納之藏之祕府封定國公十年薨上方擊毬聞訃遂罷有司致祭備禮以葬賜銀一千二百五十兩及重綵幣帛二十一年上念其功遷其孫三合武功將軍授世襲本猛安曷懶若篇申謀克泰和元年配享世宗廟庭

獨吉義

按金史本傳義本名鶻魯補曷速館人也徙居遼陽之阿米吉山祖回海父祕刺收國二年曷速館來附祕刺領戶三百遂為謀克祕刺長子照屋次子忽史與義同母祕刺死忽史欲承謀克義曰長兄雖異母不可奪也忽史乃以謀克歸照屋人咸義之義以質子至上京善女直契丹字為管勾御前文字天會十五年擢右監門衛大將軍除寧化州刺史察廉遷迭刺部族節度使復州防禦使改卓魯部族節度使河南路統軍都監為武勝軍節度使邊郡安稱寇至統軍司徙居民於汴義獨不聽日與官屬擊毬游宴統

軍司使人責之義曰太師梁王南伐淮南死者未葬亡者未復彼豈敢先發此城中有權場若自動彼將謂我無人既而果無事統軍謝之請以沿邊唐州等處諸軍猛安皆隸於義貞元元年改唐古部族節度使為彰化軍改利涉軍節度使是時海陵伐宋諸軍往往逃歸而世宗在東京得衆心都統白彥敬自北京使人陰結義欲與共圖世宗頃之世宗即位義即日來歸具陳所以與彥敬密謀者世宗嘉其不欺以為參知政事上謂義曰正隆率諸道兵伐宋若反旆北指則計將安出義曰正隆多行無道殺其嫡母阻兵虐衆必將自斃陛下太祖之孫即位此其時也上曰卿何以知之義曰陛下此舉若太早則正隆未渡淮太遲則窩幹必大熾今正隆已渡淮窩幹未至大盛將士在南家屬皆在此惟早幸中都為便上納之次榛子嶺世宗聞海陵死於軍中謂義曰信如卿所料大定二年罷為益都尹兼本路兵馬都總管賜金五十兩銀五百兩三年以疾致仕四年薨於家年七十一子和尚大定初除應奉翰林文字佩金牌陀滿訛里也子撒曷釐充護衛司王得兒加保義校尉皆佩銀牌持詔書宣諭中都以南州郡及往南京論太傅張浩中道聞海陵遇害南京及都督府皆奉表賀乃止和尚為奉使擅廢置州縣官輒行殺戮詔尚書省鞠治之十九年詔以義孫引壽為科魯答阿世襲謀克義性辯給善談論服玩不尚奢侈食不兼味云

烏延蒲萬黑

按金史本傳蒲萬黑速頻路哲特猛安人改屬合懶

路祖思列預平烏春窩謀罕之亂及伐遼宋皆有功追授猛安贈銀青光祿大夫父國也襲猛安蒲萬黑從太祖伐遼勇聞軍中天眷三年襲猛安授寧遠大將軍累官武寧軍節度使遷京兆尹海陵伐宋行武威軍都總管軍還為順義軍節度使徙單合喜定秦隴蒲萬黑統先顏習尼列顏蓋門都兵救德順州改延安平涼尹致仕封任國公大定十九年卒

烏延蒲轄奴

按金史本傳蒲轄奴速頻路星顯河人也後改隸曷懶路父忽徹渾天輔初追授猛安親管謀克蒲轄奴身長有力多智略襲其父猛安謀克階軍遠大將軍天德二年授陳州防禦使貞元元年改昌武軍節度使以善綏撫再任海陵南征改歸德尹為神策軍都總管當屯濟州比至山東盜已據其城蒲轄奴領十餘騎往覘之忽為其衆所圍乃與軍士皆下馬立而射之殺百餘人賊衆敗走迤邐襲之至暮而還明日攻破其城號令士卒毋害居民郡中獲安民感其惠為立祠以祭大定二年為慶陽尹元帥左都監從軍合喜奏宋軍十萬餘據險阻剽掠郡邑請益師詔益兵七千與舊兵合為二萬遣蒲轄奴與延安尹高景山等分領其軍以往卒於軍年六十一子查刺

李師雄

按金史本傳師雄字伯威鳳門人也有力材喜談兵慕古之英雄故名師雄雄未宣和中以騎射登科累官大名清平尉王師至大名師雄與府僚出降攝本路兵馬都監齊國建以為大總管府先鋒都統制知瀋州齊廢為汴京馬軍都處候歷知寧海軍曹州刺史